

„Schisma est deliberata ab unione Ecclesiae separatio.
 „Scriptura sacra, quae est prima regula fidei, est verbum Dei scriptum ministerio prophetarum, et Apostolorum, aliorumque divinorum amanuensium.
 „Seditio est bellum aggressivum unius partis Reipublicae contra aliam partem, vel contra proprium Principem.
 „Sigillum est religiosa obligatio tacendi ea, quae audita sunt in confessione sacramentali, orta a jure divino, naturali, et ecclesiastico.
 „Simonia est studiosa voluntas emendi vel vendendi aliquid spirituale, vel spirituale adnexum.
 „Simonia mentalis est traditio temporalis pro spirituali, sine pacto explicito, sed tantum mente retento.
 „Simonia conventionalis est conventio partium, quae paciscuntur de temporali tribuendo pro spirituali.
 „Simonia realis est ipsa traditio temporalis rei pro spirituali juxta explicitam promissionem seu conventionem factam.
 „Simonia confidentialis est renunciatio, permutatio, aut resignatio beneficii, absque licentia legitimi Superioris, sub confidentia rei temporalis acquirendae.
 „Simonia ficta est ficta conventio dandi temporale pro spirituali cum intentione non adimplendi.
 „Sodomia est concubitus ad non debitum sexum; puta masculi ad masculum, vel foeminae ad foeminam.
 „Sollicitatio est procuratio ad inhonesta sive inter poenitentem et confessarium, sive cum aliis quomodolibet perpetranda in actu sacramentalis confessionis, sive antea, sive post immediate; seu occasione vel praetextu confessionis, sive extra occasionem confessionis in confessionali, aut alio loco ad confessiones audiendas electo.
 „Sortilegium sive sors est, dum ab homine aliquid fit, ut ejus eventu considerato innotescat aliquid occultum.
 „Spes theologica est virtus supernaturalis infusa, qua voluntas humana sperat aeternam beatitudinem Dei auxilio obtainendam.
 „Sponsalia sunt promissio futuro matrimonio, mutua, et libera, externis signis expressa, obligationem pariens.
 „Sponsio, italice *scommessa*, est quidam contractus, in quo duo vel plures de veritate alicujus rei vel eventus contendentes, sibi vicissim aliquid spondent, ut ejus fiat, qui fuerit veritatem assecutus.
 „Stuprum est concubitus cum foemina virgine; seu est defloratio puellae virginis per fractionem claustrum virginalis.
 „Superbia est inordinatus appetitus propriae excellentiae.
 „Supersticio est vitium Religioni oppositum secundum excessum, quia exhibit cultum divinum, vel cui non debet, vel eo modo quo non debet.
 „Suspensio est censura ecclesiastica per quam Clericus privatur usu officii aut beneficii in totum, vel in partem, ad tempus, vel in perpetuum; a lege, vel ab homine.
 „Suspicio est infirmus assensus de malo proximi cum formidine alterius partis oppositae.
 „Susurratio est verbum seminans inter amicos discordias.
 „Synteresis est inclinatio a Deo nobis indita, qua de primis principiis moralibus judicamus, quae sunt sequentia; *Bonum est faciendum, malum fugiendum: Quod tibi fieri non vis, alteri ne feceris*; et id genus similia.

T.

„Tentatio Dei est actus contra religionem, quo quis absque iusta causa aliquid agit, vel omittit, aut dicit ad capiendum experimentum de divina perfectione; puta justitia, sapientia, omnipotencia.
 „Testamentum est ultimae voluntatis dispositio solemniter facta cum institutione haeredis.
 „Thesaurus est vetus quaedam depositio pecuniae, vel quorumvis aliorum mobilium pretiosorum, quorum non extat memoria ad quem dominum ipsa pertineant.
 „Timor est fuga mali ardui, quod vitari facile nequit.
 „Timor filialis, qui etiam castus nuncupatur, est donum Spiritus Sancti ex amore proficisciens.
 „Timor servilis ille est, qui poenam respicit quam timet, sed Spiritus Sancti dominum non est.
 „Timor mundanus est humanus respectus, qui turpis est.

„Traditio Divino-Apostolica est doctrina Christi oretenus Apostolis tradita, et ad nos usque per continuatam successionem derivata.
 „Transsubstantiatio est totalis conversio substantiae panis et vini in verum corpus et sanguinem Christi.

V.

„Vana observantia est supersticio, quae vanis et ineptis mediis utitur ad aliquem exteriorem effectum producendum.
 „Vana observantia notoria illa est, qua quis utitur mediis improportionatis ad acquirendam scientiam.
 „Vana observantia sanitatum illa est, quae media disparata adhibet, nempe imaginines astronomicas, orationes arbitrarias, et alia id genus, ad morbos curandos.
 „Vana observantia futurorum eventuum est praedictio prosperae vel adversae fortunae, ex vanis prorsus signis ad ejusdem praedictionem praenosendam derivata.
 „Venditio est pactio mercis dandae pro determinato pretio.
 „Veneficum est ars ope daemonis inducta, qua homini, aut ejus animalibus corporale nocumentum infertur.
 „Violentia est vis a principio extrinseco illata subjecto contra naturalem inclinationem ejusdem.
 „Virtus est bona qualitas mentis, qua recte vivitur, qua nullus male utitur, quam Deus in nobis sine nobis operatur.
 „Vitium est mala qualitas mentis, qua male vivitur, qua nemo bene utitur.
 „Voluntarium est id, quod a principio intrinseco est cum cognitione finis.
 „Voluntarium necessarium illud est, quod a voluntate prosilit non indifferente, sed ad unum determinata, ut patet in amore beatifico, qui ex perfectissima cognitione summi boni oritur.
 „Voluntarium liberum illud est, quod a voluntate procedit ad utrumlibet indeterminata, ut est amor hominis in via.
 „Voluntarium elicitum illud est, quod a voluntate immediate producitur.
 „Voluntarie imperatum illud est, quod voluntate imperante ab aliis potentissi efficitur.
 „Voluntarium directum illud est, quod voluntatis reali influxu producitur.
 „Voluntarium indirectum seu interpretativum, quod etiam nuncupatur voluntarium in causa, illud est, quod positive expresse a voluntate non procedit, ei tamen imputatur ex omissione, qua quis non impedit malum, quod impedire tenetur.
 „Voluntas est facultas spiritualis indifferens ad agendum, vel non ad agendum.
 „Votum est promissio facta Deo de meliore bono.
 „Votum simplex est promissio facta Deo de meliore bono, absque solemnitate, seu Ecclesiae acceptatione.
 „Votum solemne est promissio facta Deo coram Ecclesia, ut fit in professione religiosa, vel in Subdiaconatus receptione.
 „Votum reale est promissio facta Deo de aliqua re, quae alia est a vovente.
 „Votum personale est promissio facta Deo de aliqua re, quae voventis personam afficit, ut servare castitatem, jejunare etc.
 „Votum absolutum est promissio facta Deo ob simplicem virtutis amorem.
 „Votum conditionale est promissio facta sub conditione, vel quod aliquod bonum concedatur, vel aliquod malum avertatur.
 „Votum poenale est promissio facta Deo de re aliqua adimplenda in poenam aliqui cuius mali perpetrati.

U.

„Usucapio est acquisitio dominii rerum mobilium, per possessionem bona fidei continuatam tempore a lege definito. Immobilia vero respicit praescriptio.
 „Usum est lucrum perceptum ex mutuo vi mutui.
 „Usura realis illa est, qua pactum fit de lucro, ipsumque expresse accipitur ratione mutui.
 „Usura mentalis illa est, qua datur mutuum ea principali intentione aliquid recipiendi supra sortem, licet expresse nullum pactum intervenerit.
 „Usura formalis illa est, qua ex mero mutuo accipitur lucrum nullo alio titulo antecedente.
 „Usura virtualis, quae dicitur etiam palliata, illa est, qua ex mutuo accipitur lucrum sub specie et pallio alterius contractus.
 „Usus est jus mere utendi aliqua re aliena, salva illius substantia.
 „Ususfructus est jus nedum utendi, sed et fruendi aliqua re, salva illius substantia; unde ex fructibus perceptis potest quis ditescere, aliis donare, vendere etc.
 „quae habenti merum usum minime convenienti.“